

Moysen, qui illud dixit, scriptum fuerat quippiam ejusmodi. Igitur quod præcepit David, ut docerent filios Juda arcum, sicut scriptum est in libro justorum, sic intelligendum est ut, quia male pugnaverant filii Israel ob culpam suam per sagittarios interempto Saul fugati et prostrati, saltem filii Juda contribules sui discerent contra sagittarios malos arcu et sagittis pugnare, sicut omnes justi fecerunt, quorum omnes victoriae mirabiliter peractae sunt, cooperante Deo, in gladio et arcu suo, quo et arcus fortium superatus est, et infirmi accineti sunt robore (*I Reg. ii, 4*), sicut testantur Scripturæ sacrae, quæ etsi pluribus libris distincte, uno tamen Spiritu conscriptæ sunt, et idcirco in unum recte reputantur librum juxta illud: « Et vidi in dextera sedenti in throno librum scriptum intus, et foris signatum sigillis (*Apoc. v, 1*). »

Cum ergo sacra Scriptura tota sit liber bellorum Domini et liber justorum, quo docemur præliari adversus carnem et sanguinem, etiam adversus principes mundi, rectores tenebrarum, contra spiritualia nequitiae in cœlestibus, recte liber Psalmorum quodammodo insignitus inter cætera scripta liber bellorum Domini, et liber justorum dici potest, quo verus David præliabatur in propria persona, dicens: « Deus meus, Deus meus, ut quid dereliquisti me? » (*Matt. xxvii, 46*.) Item: « In manus tuas commendabo spiritum meum (*Luc. xxiii, 46*). » Et nunc psallit in nationibus juxta illud: « Confitebor

A tibi in populis, Domine, et psallam tibi in nationibus (*Psal. lvi, 10*). » Unde saluberrime assumpta est illa consuetudo in Ecclesia, ut in conventibus ecclesiasticis recitentur quotidie Psalmi, cum cætera scripta, ut Genesis, aliaque talia semel in anno soleant recitari. « Psallam spiritu, psallam et mente (*I Cor. xiv, 15*), » ait Apostolus, atque ut alios ad ipsum provocaret, « nolite, inquit, inebriari vino, in quo est luxuria, sed implemini Spiritu sancto loquentes vobismetipsis in psalmis, et hymnis, et canticis, spiritualibus psallentes in cordibus vestris Domino (*Ephes. v, 18, 19*), » quod est præliari gladio fulgido et arcu fortissimo. Nam, verbi gratia, cum dicimus Deo: « Effunde frameam tuam, et conclude adversus eos, qui persecuntur me (*Psal. xxxiv, 3*), » quasi gladio pugnamus. Item cum dicimus: « Emissa sagittas tuas, et conturbabis eos (*Psal. cxliii, 6*), » arcu pugnamus. Quem arcum Sauli similes non habentes, etiamsi leonibus fortiores et aquilis velociores æstimentur, cum spicula spiculis non reddunt, cum se ferientes dæmones tentatores non referunt vel gladio vel arcu, sicut docentur in libro justorum et in libro bellorum Domini, facile ruent in monte Gelboe, in sua superbia, vulnerati a sagittariis dæmonibus, a malignis temptationibus eorum, quibus tunc maxime resistitur, cum spiritu et mente psallitur, ita ut psalmus in ore assidue, in corde jugiter Deo nostro sit jucunda decoraque laudatio. Fiat, fiat. Amen, amen.

EXPOSITIO IN CANTICUM ISAIÆ.

(*Isai. xii.*)

Confitebor tibi, Domine, quoniam iratus es mihi, etc. Canticum hoc Isaïæ præcedit hæc prophetia: « Et desolabit Dominus linguam maris Ægypti, et levabit manum suam super flumen in fortitudine Spiritus sui, et percutiet eum in septem rivis, ita ut transeant per eum calceati, et erit via residuo populo meo, qui relinquetur ab Assyriis, sicut fuit Israel in die, qua ascendit de terra Ægypti (*Isai. xi, 15, 16*). » Et dices in illa die: « Confitebor tibi, Domine, quoniam iratus es mihi (*Isa. xii, 1*). »

Igitur prophetia præcedens istud canticum diligenter inspecta, et non solum historialiter, sed etiam spiritualiter intellecta pandit materiam et sensum totius cantici hujus. Quid est enim *lingua maris Ægypti* nisi eloquentia hujus mundi per Ægyptum et ejus mare metaphorice significati? Hanc *linguam Dominus percussit*, quando stultam fecit hujus mundi sapientiam. Unde Apostolus: « Ubi sapiens, ubi conqueritor hujus sæculi? Nonne stultam fecit Deus sapientiam hujus mundi? » (*I Cor. i, 20*.) Stultum quippe fuit relicto Creatore creaturam colere, quod

C hujus mundi sapientes docuerunt, qui, ut Apostolus ait, evanuerunt in cogitationibus suis, quorum sapientia et eloquentia sic est percussa, ut agnoscatur esse magna stultitia non solum in his, qui pro Deo vero colunt idola, sed etiam in his, qui in Dei veri servitio querunt non ipsum Deum, sed ab ipso creata.

Quid est autem *flumen Ægypti* nisi regnum hujus mundi, quod in fortitudine spiritus sui sua manu percussit Deus, et in septem quasi viros divisit, primo historialiter, deinde mystice. Nam ad littoram potentissimum quondam regnum Ægypti per fortitudinem Romanorum post mortem Cleopatræ, Deo disponente, divisum est in septem principes. Unum enim regem habebat Libya, alium Pentapolis, alium Thebaidis, alium Alexandria, alium Ægyptus, aliæque illius regni civitates, videlicet Helopolis et Taphnis habebant suos principes. In eadem sue maxis fortitudine regnum quoque Judaicum quod, Herode funesto velut altero Pharaone tyranizante per masculorum neces, cruentatum fuit,

omnino Ægyptiacum factum, jam regno Davidico et sceptro ejus ablato in tetrarchias divisit. Sic mundi hujus regno quasi flumine magno dispergito in rivos multos, preparata est via ingressuris Ægyptum, sicut in exitu Israel ex Ægypto mare in divisiones divisum præbuit viam exeuntibus filiis Israel. Unde sicut Moyses in gratiarum actione dixit: « Canticus Domino: gloriose enim honorificatus est, equum et ascensorem dejicit in mare (Exod. xv, 1), » ita nunc Isaia in gratiarum actione prædictat canticum circa mundi finem canendum. Quia sicut Nilus fluvius Ægypti antequam ab Alexandro dividetur, immeabilis erat, cuius etiam rivos cum Romani amplificassent, pene ita desiccatus est per imas valles arenarum serpendo, ut siccis pedibus transiretur: sic hujus mundi regnum, quandiu floruit in sua integratatis monarchia, ita ut unus esset imperator totius mundi, qualis fuit Augustus, cuius tempore natus est Christus, non erat via sicca vel exeuntibus de Ægypto per hujus mundi abrenuntiationem, vel ingredientibus Ægyptum ad hujus mundi expugnationem. Probat hoc multa unda sanguinis martyrum, per quam navigaverunt navigio crucis, qui vel ex Ægypto fugerunt, vel Ægyptum expugnaverunt, cum persecutionibus universalibus resistere, vel ab eis declinare non valentes morte sua triumphaverunt. Nunc autem per gratiam Dei monarchia hujus mundi omnino destructa inclinata sunt regna in se, atque contra se ita dispergita, ut sit via siccata et satis ambulabilis omnibus calceatis in preparatione Evangelii pacis. Nam si persecutionem patientur in uno regno, fugient in aliud; si in una civitate, fugient in aliam.

Huc accedit ad desiccamandam sive deplanandam viam, quod reges et principes hujus mundi modo non querunt sanguinem sanctorum, sed bona ipsorum, dum Christianus compellitur ad malum silendo vel etiam loquendo consentire vel bona temporalia relinquere. Tempora hæc periculosa nunc imminent, cum sanctæ Dei Ecclesiæ prælati compelluntur aut suspectas dignitates amittere, aut pro eis obtinendis consentire schismaticis ab Ecclesia Dei præcisis. In talis angustia coactionis, qui bene calceati sunt, facile transibunt bona temporalia parvipendendo et æterna querendo, quibus quæsitis adjacentur omnia viæ ac vitæ necessaria. Nam quos persecutus Jezabelis nequitia, hos recipit ac pascit vidua Sareptena. Talibus quoque in solitudinem fugatis ministrant corvi, ne fame tabescant, dum qui esuriunt et sitiunt justitiam, apud humiles, æstimatione sua nigros peccatores, attamen fideles inventiunt eam. Hæc est dies, quam facit Dominus non permittens Eliæ vel etiam Isaïæ consimiles tentari supra id quod possunt, sed faciet cum tentatione etiam proventum, ut possint sustinere, atque post fugam resumpto Spiritu fortitudinis fortiter agere. Et dices in illa die tu Ecclesia vel tu ecclesiastica persona:

VERS. 1. *Confitebor tibi, Domine, quoniam iratus es*

A mihi, conversus est furor tuus, et consolatus es me. Confitebor tibi super justitia, qua iratus es mihi; et super misericordia, qua conversus est furor tuus, et consolatus es me. Confitebor confessione laudis, quoniam qui iram merui ex furore tuo, nunc misericordiam consecutus sum. Et hæc est consolatio mea, quod Salvator meus, qui faciem suam abscondit, quique in navi, qua vehor, obdormierat, nunc discipulorum precibus excitatus ecce in evidenti apparet, manifeste ostendens, quod ipse Deus salvator meus est, qui, quem creavit potentia divina ex nihilo, salvat etiam pro nihilo juxta illud in psalmo: « Pro nihilo salvos facies illos (Psal. lv, 8), » id est pro nullo suæ virtutis merito salvabis, quos tuos prænoscis.

B VERS. 2. *Ecce Deus salvator meus est, qui, cum sit pro nobis, quis contra nos?* Cum ipse justificat, quis est, qui condemnet? Igitur fiducialiter agam in eo; in eo, inquam, non in me habens fiduciam, tenebo constantiam, et non timebo quid faciat mihi homo, quia fortitudo mea et laus mea Dominus. Fortitudo in bello, et laus in triumpho, quo confortante me pugnavi et pugnabo, in cuius etiam fide triumphavi et triumphabo. Nam « hæc est victoria quæ vincit mundum, fides nostra (I Joan. v, 4), » quæ indubitanter credo, quod ipse factor factus est. Nam ipse Filius Dei, qui Deus erat ante sæcula, ipse factus est in seculo natus ex virgine matre mihi in salutem. « Ipse enim salvum faciet populum suum a peccatis eorum (Matth. i, 21). » Unde vos apostoli ceterique fideles, contemptis fluminibus Ægypti, quæ turbida sunt,

C VERS. 3. *Haurietis aquas in gaudio de fontibus Salvatoris, quia, spreta mundana sapientia et concupiscentia, eo quod qui tales aquas liberit, sitiet iterum, haurietis meliores aquas in vinum conversas de fontibus Salvatoris, quem ego Isaia nomino Salvatorem, ut non dubitetur is esse, quem et Gabriel nominat Jesum, id est Salvatorem, pro eo quod salvum faciet populum suum a peccatis eorum.*

D VERS. 4. *Et dicetis in illa die, in illa veritatis manifestatione: Confitemini Domino primo peccata vestra, ut sit purgata domus vestra, et sic ad eam inhabitandam invocate nomen ejus, hoc ipsum nomen, quod est Dominus, ut ipse dominetur in vobis, imo etiam in tota terra Ægypti velut alter Joseph, et frumenta populis distribuendo, et fratres suos reliquias Israel ad se trahendo atque his qui eum vendiderunt, ignoscendo.*

Ne autem ex ignorantia quis pereat non recognoscendo hunc verum Joseph dominantem in tota terra Ægypti, imo in cœlo et in terra, data sibi omni potestate, vos apostoli, ceterique a Deo divinitus instructi, *notas facite in populis ad inventiones ejus*, scilicet bona opera quibus inveniatur, vel incarnationem qua invenit ovem et drachmam perditam, propter hominum salutem parvulus factus et cum inquis reputatus, atque multis contumelias af-

fector. Inter omnia hæc l'œt semetipsum exinan-
dendo parvulus apparuerit, vos tamen fideles me-
mentes, quoniam excelsum est nomen ejus, quod ei-
datum super omne nomen excellit, cum ipse in
Decum assumptus homo non inter omnia, sed super
omnia sit Deus benedictus in sæcula, Rex regum et
Dominus dominantium. Quod credentes

VERS. 5. *Cantate ipsi Domino voluntarie illi ser-
viendo et gratias agendo; quoniam magnifice fecit
morte sua mortem vincendo et destruendo, ac resur-
rectione sua vitam suis reparando. Annuntiate hoc,
non in Iudæa tantum, sed in universa terra, ita ut in
omnem terram exeat sonus vester, et in fines
orbis terræ verba vestra. Tali annuntiatione dilatata*

A VERS. 6. *Exulta et lauda, habitatio Sion. Exulta
in corde, lauda ore, tu habitatio Dei, o Sion, scilicet
Ecclesia sancta; quia magnus in medio tui sanctus
Israel. Magnus utique, non molis distensione, sed
sapiencia, sed fortitudine, sed bonitate a fine usque
ad finem pertingente fortius et disponente omnia
suaviter. Unde non in angulo sectæ aliqujus coar-
ctatus est, sed in medio tui, habitatio Sion, prout ipse
promisit, dicens: « Ubi duo vel tres congregati
fuerint in nomine meo, in medio eorum sum (Matth.
xviii, 20). » Item: « Ecce ego vobiscum sum omnibus
diebus usque ad consummationem sæculi (Matth.
xviii, 2). »*

EXPOSITIO IN CANTICUM EZECHIÆ,

ISAIÆ XXXVIII.

Ego dixi in dimidio dierum. In Isaia sic præmittitur: *Scriptura Ezechiae regis Iudeæ, cum ægrotasse et convaluisse de infirmitate sua.* Brevi hoc præcioem insinuatuerat materia cantici hujus. Cum enim Deus Ezechiae sine labore victoriam dedisset, nec ille ei condignas gratias reddidisset, infirmitate coactus laudes persolvit, quas in prosperitate neglexit: postquam convaluit, quæ in angustia cogitaverat, edicit: *Ego dixi, etc.* Ambulavit autem Ezechias coram Domino in veritate et in corde perfecto, et fecit rectum juxta omnia quæ fecit David pater ejus; sed ne elevaretur cor ejus post incredibilis triumphos, in castris Assyriorum cæsis ab angelo centum octoginta quinque milibus, et ipso Senacherib in Ninive reverso et imperfecto, visitatur infirmitate, et audit se moriturum, ut conversus ad Dominum flectat ejus sententiam, Deo non mutante propositum, sed provocante humanum genus ad sui notitiam. Vel ideo infirmatus est, ut tradunt Hebræi, quia post victoriam non cecinit laudes Domino. Oravit autem non multos annos, sed in Dei judicio dimittit, quid dare velit, et levit propter promissionem Domini ad David, quia videbat in sua morte peritaram. Nondum enim habebat filios, et ita desperabat Christum de suo semine nascitum, cui promissa salus firmatur signo, quia umbra decem lineis in horologio retro rediit sole reverso per gradus, per quos descendebat. Postquam autem convaluit ita scripsit: *Ego dixi.* Non est oratio, cum sit de præterito, sed gratiarum actio, in qua datur forma et exemplum cunctis de aliqua infirmitate liberatis, ut et ipsi gratias agant liberatori suo Deo, maxime si de aliquo mortali peccato liberati ab ejus poena sanati fuerint, ut ipse rex Ezechias. Grandis enim culpa est ingratitudo, qualis fuit in Ezechia. Tradunt enim Hebræi, ut dictum est, ideo agrotasse ipsum regem Ezechiam, quia

B post inauditam victoriam Domino laudes non cecinit sicut Moyses merso Pharaone, et Debora interfecto Sisara, et Anna nato Samuele; unde fragilitatis sua commonitus est.

Rursumque post corporis sanationem et signi, quod in solis retrogradatione fuit, magnitudinem, offertur alia occasio superbiæ, quam ut prudens Dei cultor debuit vitare, nec divitias, quas Deo tribuente possidebat, alienigenis demonstrare. Pro qua culpa cum ei prædiceretur poena post dies suos futura in suos posteros, debuit peccatum suum cum David confiteri, et iram Dei amovere a posteris, exemplo Moysi, qui populo sibi commisso compatiens Deo dixit: « Aut dimitte eis haec noxiam, aut dele me de libro tuo, quem scripsisti (Exod. xxxii, 31); » quod quia non fecit, sed dixit: « Fiat tantum pax in diebus meis (Isa. xxxix, 8), » Propheta sic loquenti non respondit, sed ab illo aversus ad populum conversus dixit in verbo Domini: « Consolamini, consolamini, popule meus, dicit Dominus Deus vester (Isa. xl, 1). » Quasi dicat: Rex vester non compatitur vobis, « consolamini » in Christo, quia desiciente humano auxilio revelabitur gloria Domini, et videbit omnis caro salutare Dei. Scripta sunt hæc ad correctionem nostram, ne thesauros domus Dei alienigenis expōamus, ne margaritas ante porcos mittamus, ne sanctum canibus demus, et per hoc iram Dei contra nos provocemus, quæ si fuerit contra nos excitata, non dicamus: « Fiat tantum pax in diebus nostris, » sed tam posteris nostris quam nobis gratiam precentes Deo dicamus cum Psalmista: « Fiat pax, » id est remissio peccatorum « in virtute tua et abundantia » virtutis omniumque bonorum « in turribus tuis (Psal. cxxi, 7). » Quod dico, non propter metantummodo in diebus meis liberandum, sed « propter fratres meos et proximos meos (ibid., 8) » in